



Broj: 02-16-3-98-30/19

Tuzla, 21.01.2019. god.

Na osnovu člana 61. Zakona o upravi („Službeni glasnik BiH“, broj: 32/02, 102/09 i 72/17), člana 64. stav (1) tačka a), člana 70. stav (1), (3) i (6) i člana 89. Zakona o javnim nabavkama („Službeni glasnik BiH“ broj: 39/14), člana 8. stav (2) tačka d) Pravilnika o uspostavljanju i radu Komisije za nabavku („Službeni glasnik BiH“ broj: 103/14), člana 16. Pravilnika o javnim nabavkama u Agenciji za antidoping kontrolu Bosne i Hercegovine broj: 01-02-3-83/15 od 11.02.2015. godine, na Preporuku Komisije za nabavku usluga brze pošte broj: 02-16-3-98-27/19 od 21.01.2019. godine, u postupku javne nabavke usluga brze pošte direktor Agencije za antidoping kontrolu Bosne i Hercegovine **d o n o s i**:

O D L U K U
o izboru najpovoljnijeg ponuđača za nabavku usluga brze pošte
u međunarodnom i unutrašnjem poštanskom saobraćaju

Član 1.

Prihvata se Preporuka Komisije za nabavku usluga brze pošte, broj: 02-16-3-98-27/19 od 21.01.2019. godine i Okvirni sporazum za nabavku usluga brze pošte u međunarodnom i unutrašnjem poštanskom saobraćaju dodjeljuje se ponuđaču DHL International d.o.o. sa sjedištem na adresi Rajlovačka cesta bb, 71 000 Sarajevo, ponuda broj: 04-6/1 od 16.01.2019. godine, za ponuđenu cijenu od 17.135,70 KM bez PDV-a (80 bodova) i sa ponuđenim rokom plaćanja od 45 dana (20 bodova) što ukupno iznosi 100 bodova, kao najbolje ocijenjenom ponuđaču odnosno kao najbolje ocijenjena ponuda.

Član 2.

Ponuđač DHL International d.o.o. dostavio je najbolje ocijenjenu ponudu 04-6/1 od 16.01.2019. godine, odnosno ponudio je ekonomski najpovoljniju ponudu u skladu sa članom 64. stav (1) tačka a) Zakona o javnim nabavkama Bosne i Hercegovine (u daljem tekstu: Zakon) u iznosu od 17.135,70 KM bez PDV-a (80 bodova) i sa ponuđenim rokom plaćanja od 45 dana (20 bodova), koja ispunjava sve formalno pravne uvjete tražene u tenderskoj dokumentaciji i koja je od strane ugovornog organa prihvaćena kao najpovoljnija ponuda.

Član 3.

Po pravosnažnosti ove odluke, ugovorni organ pozvat će izabranog ponuđača, iz člana 1. ove Odluke, radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Ova Odluka objaviće se na internet stranici Agencije za antidoping kontrolu Bosne i Hercegovine (www.ada.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona.

Član 5.

Za izvršenje ove Odluke zadužuje se Sektor za administraciju, međunarodnu saradnju i odnose sa javnošću.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona.

O b r a z l o ž e n j e

Postupak javne nabavke pokrenut je Odlukom o pokretanju postupka nabavke usluga brze pošte u međunarodnom i unutrašnjem poštanskom saobraćaju broj: 02-16-3-98-2/18 od 26.12.2018. godine. Javna nabavka je provedena putem konkurentskog zahtjeva za dostavu ponuda s ciljem zaključenja Okvirnog sporazuma na period od dvadesetčetiri (24) mjeseca sa jednim (1) dobavljačem. Procijenjena vrijednost javne nabavke bez PDV-a je 20.000,00 KM.

Komisija za javnu nabavku imenovana je Rješenjem broj: 02-16-3-98-3/18 od 26.12.2018. godine.

Obavještenje o nabavci broj: 372-7-2-2-3-1/19 objavljeno je na Portalu javnih nabavki 04.01.2019. godine kao i tenderska dokumentacija.

Tendersku dokumentaciju sa portala javnih nabavki preuzeli su sljedeći ponuđači:

Rb.	Naziv ponuđača koji je preuzeo tenderskudokumentaciju		
1.	DHL INTERNATIONAL D.O.O. SARAJEVO,	5.	SVEUČILIŠTE U MOSTARU,
2.	EKAPIJA DOO,	6.	HRVATSKA POŠTA D.O.O. MOSTAR
3.	JP BH POŠTA D.O.O. SARAJEVO.,	7.	A2B EXPRESS DELIVERY D.O.O.
4.	BBS EUROPE,	8.	RHEA EXPRESS D.O.O.



Rok za podnošenje ponuda bio je do 17.01.2019. godine do 12:00 h.

Otvaranje ponuda izvršeno je 17.01.2019. godine u 12:30 h.

Zapisnik o otvaranju ponuda broj: 02-16-3-98-25/19 od 17.01.2019. godine dostavljen je svim učesnicima postupka nabavke u zakonskom roku [17.01.2019. godine] i to putem e-maila.

Komisija za javnu nabavku dostavila je 21.01.2019. godine rukovodiocu ugovornog organa Zapisnik o pregledu i ocjeni ponuda u predmetu javne nabavke: Konkurentski zahtjev za dostavu ponuda za nabavku usluga brze pošte u međunarodnom i unutrašnjem poštanskom saobraćaju broj: 02-16-3-98-26/19 od 21.01.2019. godine, Preporuku o izboru najpovoljnijeg ponuđača za nabavku usluga brze pošte broj: 02-16-3-98-27/19 od 21.01.2019. godine i Izvještaj o radu komisije za nabavku usluga brze pošte broj: 02-16-3-98-28/19 od 21.01.2019. godine.

U postupku po izvještaju o radu utvrđeno je da je Komisija blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su blagovremeno pristigle ukupno dvije (2) ponude,
- da nije bilo neglagovremeno zaprimljenih ponuda,
- da je ponuda ponuđača DHL International d.o.o. Sarajevo kvalifikovana i prihvatljiva te da su dostavljeni svi traženi dokazi propisani tenderskom dokumentacijom, na propisan način,
- da se ponuda ponuđača RHEA EXPRESS d.o.o. Sarajevo, odbacuje na osnovu člana 68. stav (1) Zakona o javnim nabavkama (Sl. Glasnik BiH broj: 39/14) i člana 68. stav (4) tačka i) iz razloga jer navedeni ponuđač nije dostavio tražene dokaze na propisani način o ispunjavanju uslova tehničke i profesionalne sposobnosti iz člana 48. stav (2) i člana 50. tačka a) Zakona o javnim nabavkama,

Ponuda ponuđača RHEA EXPRESS d.o.o. Sarajevo nije prihvatljiva iz sljedećih razloga odnosno nije kvalifikovana iz razloga jer nije ponuđač dostavio tražene dokaze tenderskom dokumentacijom:

1. Nije dostavljen dokaz tražen tačkom 3.2 stav d) tenderske dokumentacije. Tačkom 3.2 stav d) tenderske dokumentacije definisani su tehnička i profesionalna sposobnost ponuđača odnosno kvalifikacijski uslovi koje ponuđači moraju ispuniti da bi učestvovali u predmetnom postupku javne nabavke a tačkom 3.2 stav d) navedeni su potrebni dokazi: „Ponuđač je dužan dostaviti spisak najmanje za jedan (1) a najviše za pet (5) izvršenih ugovora predmetne nabavke (istih ili sličnih ugovora ugovora kao što je ovaj predmet nabavke) u posljednje tri (3) godine (2016., 2017. i 2018. godina) uz potvrdu koju daje druga ugovorna strana (potvrda se može dostaviti i kao obična kopija a Agencija zadržava pravo provjere tačnosti podataka) o njihovoj realizaciji. Vrijednost jednog (1) ili zbirni iznos najviše za pet (5) ugovora mora biti minimalno u iznosu procjenjene nabavke ovog postupka (minimalno 20.000,00 KM bez PDV-a). Ovim dokazima ponuđač dokazuje/potvrđuje da je uspješno učestvovao na istim ili sličnim poslovima“.

Ponuđač RHEA EXPRESS d.o.o. Sarajevo dostavio je popunjen Obrazac spiska izvršenih ugovora (ANEKS 8) ali nije dostavio potvrde koje daje druga ugovorna strana o uredno izvršenim ugovorima odnosno o njihovoj realizaciji. Ponuđač nije dostavio ni dokaze o učinjenim pokušajima da se takve/tražene potvrde osiguraju.

Ponuda ponuđača RHEA EXPRESS d.o.o. Sarajevo odbacuje se na osnovu člana 68. stav (1) Zakona o javnim nabavkama i člana 68. stav (4) tačka i) iz razloga jer navedeni ponuđač nije dostavio tražene dokaze na propisani način o ispunjavanju uslova tehničke i profesionalne sposobnosti iz člana 48. stav (2) i člana 50. tačka a) Zakona o javnim nabavkama (Sl. Glasnik BiH broj: 39/14).

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač „DHL INTERNATIONAL d.o.o.“ Sarajevo, najbolje ocijenjen primjenjujući kriterij ekonomski najpovoljnije ponude odnosno broja bodova izračunatih na temelju kriterija utvrđenih u obavještenju o nabavci i tenderskoj dokumentaciji, kako slijedi :

RANG LISTA PONUĐAČA [PRIHVATLJIVIH PONUDA]

RANG	Naziv/ime ponuđača	Podkriterijum (P) Cijena	Podkriterijum: (S) Rok plaćanja	Ukupan broj bodova (P+S)
		Broj bodova	Broj bodova	
1	DHL International d.o.o., Sarajevo	Ponuđena cijena [bez PDV-a] 17.135,70 KM	Rok plaćanja 45 dana	100
		80	20	



Izabrani ponuđač je, kako je gore navedeno, ocijenjen sa ukupno 100 bodova.

Naziv ponuđača čija je ponuda ocijenjena kao najpovoljnija:

PODACI O NAJPOVOLJNIJEM PONUĐAČU		
1	Naziv/ime ponuđača	DHL International d.o.o.
2	Sjedište i adresa	Rajlovačka cesta bb, 71 000 Sarajevo
3	ID broj:	4200054590001
4	Ukupna cijena ponude bez PDV-a	17.135,70 KM (80 bodova)
5	Ukupna cijena ponude sa PDV-om	17.912,89 KM
6	Rok plaćanja	45 dana (20 bodova)

Iz navedenih razloga, primjenom člana 64. stav (1) tačka a) ekonomski najpovoljnija ponuda Zakona o javnim nabavkama („Službeni glasnik BiH“ broj: 39/14) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.



DIREKTOR

Slavko Matić

Dostavljeno:

- 1 x DHL International d.o.o. Sarajevo
- 1 x RHEA EXPRESS d.o.o. Sarajevo
- 1 x Komisija za javne nabave
- 1 x a/a